

## KOMUNIKADU IMPRENSA

### ANP SEI SITA ÓLEU LUBRIKANTE MARKA SHELL ADVANCE 4TAX515W-40 NO SHELL ADVANCE 4TAX710W-40 IHA MERKADU.



**Dili, Timor-Leste. Tersa-Feira 19, March 2024.** Iha semana kotuk, Autoridade Nacional do Petróleo (ANP) foti asaun suspende produtu Lubrikante ne'ebé diskunfia falsu faan iha merkadoria ho Marka Shell 4T AX5 15W-40 ho Numeru Batch 11871564100809DEC21 no Shell Advance 4T AX7 10W-40 ho Numeru. Batch 11816640100825AUG21 ne'ebé produz no importa husi *Indonesia*, tanba diskunfia produtu falsu ne'ebé agora dadaun sirkula hela iha merkadu. Depoizde prosesu investigsau tomak, ANP determina katak autenticidade husi produtu Shell Advance 4TAX515W-40 ho Numeru Batch 11871564100809DEC21 no Shell Advance 4TAX710W-40 ho Numeru. Batch 11816640100825AUG21 ne'ei sei la garante atu fo benefisiu maibe sei fo fali risku ba konsumidor sira.

Hare ba konkluzau ne'e maka ANP foti ona desijaun atu sita ka prende produtu Shell Advance 4TAX515W-40 no Shell Advance 4TAX710W-40 ho detallu numeru batch ne'ebé mensiona iha leten. Medida ne'e presija tebes atu foti ho objetivu bele proteje konsumidor sira no bele mantein integridade merkadu óleu lubrikante nian.

ANP tau importansia ba kualidade no seguransa atu kumpri ba regulamentu institusaun nian nomos effortsu atu halakon produtu falsu sira ho dalan ne'ebé propriu ka dalan ne'ebé los no justu.

ANP sujere ba konsumidor sira atu hili óleu ne'ebé hetan ona lisensa no iha sertifikadu. ANP sei kontinua halo monitorizasaun ba situasaun ne'e no sei kolabora ho vendedor sira atu elimina produtu óleu ho detallu ne'ebé mensiona iha leten ne'ebé maka sei sirkula hela iha merkadu, hodi garante merkadu ne'ebé justu no transparante ligadu ho marka óleu lubrifikante nian.

ANP sei fahe nafatin informasaun atualizada relaciona ho desijaun refere.

\*Remata

**KONTAKTU AMI**

[info@anpm.tl](mailto:info@anpm.tl)  
[www.anpm.tl](http://www.anpm.tl)